

noprasum Z.), սօսի (Platanus Orientalis Z.), պապկերլոր (Mnscari Comosum Mill), քանի ծաղիկ, դլփնակ (Delphinium cosolida), խինձ (Fragopogon pratensis Z.), բուբու (Faraxacum officinale Z.), կաթնուկ (Eephorbia aorientalis Z.), սուեղ (falcaria Rivini)։ Արթինեանը խօստանում է շարունակել իւր այս՝ ժողովրդական ազբիւրի մի շիթը կազմող աշխատութիւնը և դիմումն է անում կարող անձանց օգնել իրեն՝ հաւաքելով բոյսերի ժողովրդական անուններն ու սոցա բուսաբանական, բժշկական և առտնին բացատրութիւնները։

Միանգամայն պէտք է խրախուսել պ. Արթինեանի այս օգտաւէտ ձեռնարկութիւնը։

Ս. Մ.

Վահէ.— Անշատաճները «Յառաջի գրադարան, Թիֆլիզ, 1907, դինն է 10 կոպէկ։ Վերջին ժամանակները Դաշնակցութեան մէջ տեղի ունեցող պառակտումները առիթ է տուել պ. Վահէին իր այդ բրօշուրով իբր թէ քննադատել այդ պառակտողներին՝ «անջատուածներին»։ Փոխանակ ընդունելու և ճանաչելու այն պատմական—հասարակական փաստը, թէ Դաշնակցութեան մէջ ներկայումս կատարւում է մի դիֆերենցիացիա՝ դաշնակցականների «բիւրեղացում», որը հետևանք է նրա յայտնի «հետեօրժէն» բաղադրութեանը, նա՛ պ. Վահէն, շատ միամիտ ենթադրելով իր ընթերցողներին, սկսում է հին դարմանը քամուն տալ։ Նոյն շարլօնային տրամաբանութիւնը, արդէն վաղուց ծամծուծ նոյն առարկութիւնները գալիս են ջրալի կերպով ապացուցանելու Դաշնակցութեան սոցիալիզմը (?!), ներբողելու Դաշնակցութեան յեղափոխական հմայքը։ Ծանօթ ֆրազներ, ծանօթ մտքեր . . . :

Ս. Խ.